

COMISIÓN INFORMATIVA DE COOPERACIÓN, INFRAESTRUTURAS E MEDIO RURAL

ACTA da mencionada comisión informativa, correspondente ao día **18 de setembro de 2019**

Na sala de xuntas do Pazo Provincial da Deputación de Ourense, ás 18.25 horas do día 18 de setembro de 2019, réunese a comisión informativa de Cooperación, Infraestruturas e Medio Rural, coa asistencia dos seguintes deputados e deputadas:

Presidente: D. Pablo Pérez Pérez

Deputados/as do Grupo Popular:

D.^a Ana Patricia Torres Madureira

D. Álvaro José Fernández López

D. Miguel Antonio Cid Álvarez

D. Jorge Pumar Tesouro

Deputados/as do Grupo Socialista:

D. Gerardo Seoane Fidalgo

D. Aurentino Alonso Araújo

D.^a Elvira Lama Fernández

Deputado de Democracia Ourensana: D. José Miguel Caride Domínguez

Deputado do BNG: D. Bernardo Varela López

Deputada de Ciudadanos-Partido de la Ciudadanía: D.^a Montserrat Lama Novoa

Secretario: D. Juan Marquina Fuentes

Interventor: D.^a Mónica Legaspi Díaz

Seguidamente, iniciouse o tratamento dos asuntos incluídos na orde do día, do xeito que se reflicte a continuación:

1º.- APROBACIÓN DA ACTA DA SESIÓN ANTERIOR, CORRESPONDENTE Á EXTRAORDINARIA DO DÍA 19 DE XULLO DE 2019.-

Pola Secretaría Xeral deuse traslado do borrador da acta anterior, correspondente á extraordinaria do día 19 de xullo de 2019.

Non se producen intervencións e por unanimidade a comisión adopta o seguinte acordo:

Aprobar a acta da sesión extraordinaria da Comisión Informativa de Cooperación, Infraestruturas e Medio Rural do día 19 de xullo de 2019.

2º.- APROBACIÓN DEFINITIVA DO PROXECTO DE EXPROPIACIÓN POR TAXACIÓN CONXUNTA PARA A CONSTRUCCIÓN DE CEMITERIO MUNICIPAL EN BEARIZ.-

O Sr. secretario dá conta da proposta da Presidencia.

Non se producen intervencións e co voto favorable do Grupo Popular (5), de Democracia Ourensana (1) e de Ciudadanos-Partido de la Ciudadanía (1) e a abstención do Grupo Socialista (3) e do BNG (1), a comisión ditamina favorablemente a adopción, por parte da Xunta de Goberno, do seguinte acordo:

1º.- Resolver as alegacións formuladas pola propietaria da parcela n.º 21 do expediente expropiatorio, D.^a Remedios Gullás Ogando, desestimando estas, polos motivos que se indican a continuación:

a.- Alega a propietaria afectada que a superficie catastral da parcela é de 70 m² e que a superficie que se lle expropia é 46,81 m², ao cal cabe responder que a superficie expropiada é a que resulta necesaria para a execución da obra, a cal non ten porqué coincidir coa superficie catastral da parcela, non existindo ningunha contradición.

b.- Mostra desconformidade coa valoración dos bens afectados feita no expediente expropiatorio elaborado polo enxeñeiro técnico de obras públicas, D. José Ángel Rodríguez Rodríguez, quen emitiu informe ao respecto, no que se sinala que a valoración dos bens afectados se levou a cabo seguindo os criterios fixados no Real decreto 1492/2011, polo que se aproba o Regulamento de valoracións da Lei do solo, sendo a lonxa agropecuaria de León a lonxa de referencia de prezos de forraxes para toda a zona Noroeste, rexeitando a valoración de, como mínimo, 10 €/m² solicitada pola propietaria, ao non achegar datos que acrediten o valor solicitado, resposta que cabe aplicar á valoración solicitada das árbores afectadas.

c.- En canto á solicitude de que se lle asignen 14 nichos no cemiterio, en substitución do prezo ofrecido, procede tamén a súa desestimación, por resultar desproporcionada e contraditoria coa súa solicitude de que se incremente o prezo xusto dos seus bens afectados.

2º.- Aprobar definitivamente o expediente expropiatorio urbanístico para a execución da obra “construción de cemiterio”, no termo municipal de Beariz.

Parcela expdte.	Referencia Catastral	Tipo parcela	Propietario	M ² exprop.
1	32012A02401467	Rural	Herdeiros de Manuel Perez Barros	1.264,96
2	32012A02401468	Rural	Esteban Lopez Perez	404,58
3	32012A02401469	Rural	Manuel Estevez Valiñas	175,56
4	32012A02401470	Rural	Hros. de Julio Lamas Fornos	199,49
5	32012A02401471	Rural	Francisco Perez Lamas	169,19
6	32012A2401490	Rural	Julia Perez Rodriguez	116,24
7	32012A02401491	Rural	Julia Janeiro Lamas	116,53
8	32012A02401492	Rural	Delfina Valiñas Perez	100,74
9	32012A02401493	Rural	Gerardo Vazquez Lopez	111,29
10	32012A02401494	Rural	Amelia Lamas Gulias	180,32
11	32012A02401495	Rural	Herdeiros de Manuel Perez Barros	253,64
12	32012A02401473	Rural	Herdeiros de Manuel Perez Barros	1.622,82
13	32012A02401472	Rural	Esteban Lopez Perez	430,10
14	32012A02401523	Rural	Jose Miron Muradas	138,19
15	32012A02401524	Rural	Francisco Perez Lamas	112,66
16	32012A02401525	Rural	Julia Perez Rodriguez	86,37
17	32012A02401526	Rural	Benito Valiñas Perez	38,46
18	32012A02401527	Rural	Julia Perez Rodriguez	62,27
19	32012A02401528	Rural	Gerardo Vazquez Lopez	60,23
20	32012A02401529	Rural	Delfina Valiñas Perez	73,69
21	32012A02401530	Rural	Remedios Gulias Ogando	46,81
22	32012A02401531	Rural	Herdeiros de Manuel Perez Barros	101,84
23	32012A02401532	Rural	Manuel Barros Otero	89,15
24	32012A02401533	Rural	Mª. Asuncion Perez Perez	75,04

3º.- Notificarlles este acordo ós interesados, de conformidade coa lexislación vixente.

3º.- APROBACIÓN DEFINITIVA DA DECLARACIÓN DA NECESIDADE DE OCUPACIÓN URXENTE DOS BENS E DEREITOS AFECTADOS POLA EXPROPIACIÓN PARA ENSANCHE DA OU-0210 LEIRADO-PONTEDEVA, N.º 100/POS/2019.-

O Sr. secretario dá conta da proposta da Presidencia.

Non se producen intervencións e co voto favorable do Grupo Popular (5), de Democracia Ourensana (1) e de Ciudadanos-Partido de la Ciudadanía (1) e a abstención do Grupo Socialista (3) e do BNG (1), a comisión ditamina favorablemente a adopción, por parte da Xunta de Goberno, do seguinte acordo:

1º.- Aprobar o proxecto técnico da obra “ensanche na estrada provincial OU-0210 Leirado-Pontedeva”, entre os puntos quilométricos 1+980 – 2+350”, n.º 109/POS/2019, no termo municipal de Quintela de Leirado, así como anexo de expropiacións, no que se inclúe o plano parcelario e a relación de bens afectados.

2º.- Ter por declarada a utilidade pública das obras mencionadas, de conformidade co disposto no artigo 22, párrafo quinto, da Lei 8/2013, de 28 de xuño, de estradas de Galicia.

3º.-Acordar definitivamente a necesidade de ocupación, con carácter urxente, dos terreos incluídos na relación de bens e dereitos afectados pola expropiación, de conformidade co previsto no citado artigo da Lei de estradas de Galicia.

Número Expte.	Polígono	Parcela	Referencia catastral	Propietario	Cualificación	Dominio
1	15	9001	32067A015090010000YR	CONCELLO DE QUINTELA DE LEIRADO	VIA TERRESTRE	2554,41
2	14	9002	32067A014090020000YZ	CONCELLO DE QUINTELA DE LEIRADO	VIA TERRESTRE	13,08
3	14	9001	32067A014090010000YS	CONCELLO DE QUINTELA DE LEIRADO	VIA TERRESTRE	412,87
4	15	14	32067A015000140000YE	RAMONA MONTERO VISO	PASTOS	513,70
6	15	96	32067A015000960000YL	EMILIA MARTINEZ	MATAGUEIRA	0,29

				VAZQUEZ		
7	15	97	32067A015000970000YT	JOSEFA RODRIGUEZ ALVAREZ	MATAGUEIRA	1,49
8	15	98	32067A015000980000YF	CARMEN ALVAREZ ALVAREZ	MATAGUEIRA	0,85
9	15	99	32067A015000990000YM	CELSA ESTEVEZ RODRIGUEZ	MATAGUEIRA	0,82
10	15	13	32067A015000130000YJ	HEREDEROS DE GERMAN MONTERO CID	LABRADÍO SECANO	107,00
11	15	103	32067A015001030000YR	HERDEIROS DE GERMAN MONTERO CID	LABRADÍO SECAÑO	3,66
12	15	12	32067A015000120000YI	DELFIN ALVAREZ MIGUEZ	VIÑA SECANO	217,26
13	15	11	32067A015000110000YX	JORGE ZORRILLA VAZQUEZ	PASTOS	46,88
14	15	10	32067A015000100000YD	VASELISA VERGARA AGRAS	PASTOS	148,97
15	15	108	32067A015001080000YE	RAMON ALVAREZ ALVAREZ	MATAGUEIRA	195,00
16	15	6	32067A015000060000YR	ANTONIO GALLARDO VERGARA	PASTOS	54,96
17	15	107	32067A015001070000YJ	RAMON ALVAREZ ALVAREZ	LABRADÍO SECANO	49,99
18	15	109	32067A015001090000YS	JESUS GALLARDO VERGARA	LABRADÍO SECANO	164,09
19	15	112	32067A015001120000YS	COMUNIDAD DE VECIÑOS DE QUINTELA	MATAGUEIRA	240,56
20	15	110	32067A015001100000YJ	JAIME GALLARDO VERGARA	LABRADÍO SECANO	228,15
21	15	1	32067A015000010000YT	CELSA MARTINEZ VAZQUEZ	MATAGUEIRA	36,76
22	15	111	32067A015001110000YE	COMUNIDAD DE VECIÑOS DE QUINTELA	MATAGUEIRA	528,42
23	14	99	32067A014000990000YI	COMUNIDAD DE VECIÑOS DE QUINTELA	MATAGUEIRA	60,96

4º.- Publicar e notificarlles este acordo aos interesados, de conformidade coa lexislación vixente.

4º.- APROBACIÓN INICIAL DAS BASES REGULADORAS DO PLAN PROVINCIAL DE COOPERACIÓN ÁS OBRAS E SERVIZOS MUNICIPAIS E DA REDE VIARIA PROVINCIAL PARA O EJERCICIO 2020

O Sr. secretario dá conta da proposta.

D. Aurentino Alonso Araujo, do Grupo Socialista, do Grupo Socialista, formula unha serie de preguntas, solicitando que nas bases se regule de forma máis áxil a delegación de competencia de contratación para os concellos, que eviten pasar polo Pleno ou os cambios de concepto das subvencións ou das obras incluídas no Plan provincial.

D.^a Elvira Lama Fernández, do Grupo Socialista, pregúntalle ao secretario se existe algunha limitación legal para que as obras poidan ser adxudicadas directamente polos concellos.

O **Sr. secretario** informa que as normas que rexen para as adxudicacións son as bases do propio plan, e que agora mesmo estas bases recollen que ten que existir unha porcentaxe que está prevista na proposta do plan, para que sexa delegable a contratación das obras, pero que, en principio, non haberá impedimento ningún para que a achega fose toda ou ningunha para obter esa delegacións das obras.

D. Aurentino Alonso Araujo, do Grupo Socialista, do Grupo Socialista, volve trasladarlle á comisión a solicitude de que se trate de solucionar nas bases do plan a problemática que pode existir coa liquidación de determinadas obras que ao finalizar o exercicio non teñen financiamento e non poden pagárselles aos contratistas.

D.^a Montserrat Lama Novoa, de Ciudadanos-Partido de la Ciudadanía, di que está de acordo con esta proposta de plan, sen prexuízo de que existan outros plans provinciais para outras cuestións.

Non se producen máis intervencións e co voto favorable do Grupo Popular (5), de Democracia Ourensana (1) e de Ciudadanos-Partido de la Ciudadanía (1) e a abstención do Grupo Socialista (3) e do BNG (1), a comisión ditamina favorablemente a adopción, por parte do Pleno, do seguinte acordo:

1.- Aprobar inicialmente as bases reguladoras do Plan Provincial de Cooperación ás Obras e Servizos Municipais e da Rede Viaria Provincial para o exercicio 2020, co seguinte teor literal:

1^a) Obxecto.

Constitúe o obxecto das presentes bases a regulación dos procedementos de elaboración e execución do Plan Provincial de Cooperación ás Obras e Servizos Municipais e da Rede Viaria Provincial para o exercicio 2020.

2ª) Estrutura do Plan Provincial de Cooperación 2020. Distribución dos investimentos por concellos.

1. O Plan Provincial de Cooperación ás Obras e Servizos Municipais para o exercicio 2020 comprenderá as seguintes clases de investimentos:

- Investimentos en obras de mellora e conservación da rede viaria provincial, de titularidade da Deputación Provincial.

- Investimentos en obras de competencia municipal, preferentemente as necesarias para a efectiva prestación dos servizos municipais obrigatorios enumerados no artigo 26 da Lei 7/1985, do 2 de abril, de bases do réxime local, modificada por Lei 27/2013, do 27 de decembro, de racionalización e sustentabilidade da administración local.

2. O Plan Provincial 2020, tanto no apartado da rede viaria provincial coma no relativo ás obras municipais (neste caso ata o importe máximo establecido para cada termo municipal nestas bases) financiarase na súa integridade pola Deputación Provincial de Ourense, resultando en consecuencia o seguinte cadro básico de financiamento:

Obras municipais:

- Deputación Provincial: 100,00 %

Obras da Rede Viaria Provincial:

- Deputación Provincial: 100 %

3. Non obstante, no caso das obras municipais, os concellos voluntariamente poderán efectuar achegas adicionais para o financiamento das obras, alterándose automaticamente o cadro de financiamento neses supostos. Doutra banda, incluíranse igualmente no Plan Provincial, todas aquelas obras para as que os concellos soliciten a súa inclusión, dotadas de financiamento exclusivamente municipal ou procedente doutras administracións públicas, para os efectos de obter a declaración de utilidade pública de cara a posibilitar a obtención de terreos mediante expropiación forzosa.

4. A distribución do investimento prevista no Plan Provincial 2020 é a seguinte:

- a. Investimento total previsto na Rede Viaria Provincial: 1.500.000,00 €

Achega da Deputación á RVP (100%): 1.500.000,00 €

- b. Investimento total previsto en obras municipais (incluída a Entidade Local Menor de Berán): 4.716.000,00 €, dos cales 4.440.000,00 € destinados á execución material das obras e 276.000,00 € destinados a servizos complementarios á execución das obras.

Subvención Deputación obras municipais (100,00 %): 4.716.000,00 €,

5. A distribución territorial por concellos do investimento en obras municipais efectuarase mediante a asignación a cada concello da provincia dunha cota alícuota de investimento subvencionado, resultando un investimento por termo municipal de 51.000,00 €; da dita cantidade, 48.000,00 € destinaranse ó financiamento dos contratos de execución material das obras e 3.000,00 € ó financiamento dos contratos de servizos complementarios á execución das obras (con especial consideración das asistencias técnicas para a redacción de proxectos, a dirección facultativa e a coordinación de seguridade e saúde das actuacións).

O investimento con cargo a fondos provinciais asignado a cada concello poderá dedicarse a unha ou varias obras, a elección dos concellos, podendo supoñer o seu financiamento íntegro ou parcial, sempre e cando as obras correspondan a competencias municipais.

Sen prexuízo do anterior, e tal e como se sinala no apartado 3, poderán incluírse investimentos de contía superior á achega provincial, correspondentes á mesma obra ou obras subvencionadas ou a outras obras, sempre e cando o concello achegue o financiamento complementario preciso.

6. No plan poderanse incluír obras adicionais para a utilización de remanentes producidos por anulación de obras. As ditas obras deben cumprir os requisitos necesarios para seren incluídas no Plan segundo o establecido nesta base.

7. Os remanentes das achegas provinciais obtidos por baixas na adxudicación das obras (tanto municipais como da rede viaria provincial), destinaranse na súa integridade ó financiamento de obras da rede viaria provincial; os remanentes das achegas municipais, de se-lo caso, reintegraranse ó concello respectivo.

3ª) Solicitudes dos concellos: prazos e documentación.

1. Solicitudes: requisitos xerais.

Co fin de garantir o dereito dos municipios á participación na elaboración do Plan, estes poderán formular solicitudes para a inclusión de obras. As ditas solicitudes serán aceptadas obrigatoriamente pola Deputación Provincial, sempre que se formulen en tempo e forma e as obras reúnan os requisitos establecidos na base 2ª.

2. Prazo de presentación de solicitudes.

As solicitudes deberán dirixírselle ó presidente da Deputación e deberán ter entrada no rexistro electrónico xeral da Deputación ou en calquera dos lugares previstos no artigo 16.4 da Lei 39/2015, do 1 de outubro, de procedemento administrativo común das administracións

públicas antes de que remate o día 29 de novembro de 2019. Este prazo terá carácter improrrogable. A falta de formulación da solicitude en prazo dará lugar á perda do dereito á participación no Plan Provincial.

3. Documentación das solicitudes.

As solicitudes deberán incluír a certificación do acordo adoptado polo órgano municipal competente, solicitando a inclusión das obras no plan provincial e, de se-lo caso, a delegación da competencia para a súa contratación.

No acordo deben figurar a denominación descritiva das obras e o seu orzamento total, tendo en conta as seguintes regras:

- a. A denominación das obras deberá ser concreta e o suficientemente descritiva das actuacións (con expresa referencia ás principais unidades de obra para acometer) e da súa localización, con indicación do núcleo de poboación e da rúa onde se leven a cabo estas. Neste sentido, debe indicarse concretamente o núcleo ou núcleos onde se actuará polo seu nome propio, sen que sexan admisibles referencias a unha “zona”, “barrio” ou “parroquia” ou referencias semellantes. Nas obras de mellora e conservación da rede viaria municipal, figurarán ademais os puntos quilométricos entre os que se executan estas.
- b. Nas actuacións plurianuais, a continuación da descrición das actuacións, farase constar esta condición, así como a anualidade á que se refire o investimento para o que se solicita a inclusión no Plan de cooperación.
- c. Nas obras correspondentes a unha fase determinada dun proxecto, a continuación da descrición de actuacións farase constar a fase á que se refire o investimento para o que se solicita a inclusión no Plan de cooperación. Para estes efectos, debe terse en conta que cada fase debe ter a condición dunha obra completa, susceptible de uso público independente, sen prexuízo da súa integración nun proxecto complexo.
- d. Cando unha solicitude recolla obras de diversa natureza para satisfacer máis dun servizo, incluírase en primeiro lugar a denominación da obra de maior importe económico (por exemplo, nunha obra de abastecemento e pavimentación, se o abastecemento ten maior importe económico describirase como “abastecemento e pavimentación en..”).
- e. No orzamento total das obras entenderase incluído o IVE. Non se considerarán incluídos, en cambio, os custos de redacción de proxectos nin os honorarios de dirección de obras e coordinación de seguridade e saúde, que serán obxecto de contratación independente.

4. Para a formulación das súas solicitudes, os concellos deberán ter en conta os datos da Enquisa de Infraestruturas e Equipamentos Locais.

5. Elaboración do proxecto de Plan Provincial. Corrección de deficiencias.

Unha vez rematado o prazo de formulación de solicitudes, o Negociado de Obras e Infraestruturas da Sección de Contratación procederá á elaboración do proxecto de Plan para o exercicio 2020, que será sometido ó ditame da comisión informativa de Cooperación, Infraestruturas e Medio Rural, e á aprobación inicial por parte do Pleno na sesión ordinaria do mes de decembro de 2019.

No período de elaboración do documento, o Negociado de Obras e Infraestruturas comunicaralles telefonicamente aos concellos as posibles deficiencias observadas nas solicitudes, para a súa corrección urxente polos concellos dentro do dito prazo.

6. Consecuencias da presentación extemporánea de solicitudes ou da falta de corrección de deficiencias.

No caso de que os concellos non remitan a súa solicitude dentro do prazo establecido, ou non corrixan as deficiencias observadas, a Deputación non incluírá ningún investimento para ese concello no Plan Provincial. O remanente de financiamento resultante destinarase a obras adicionais na rede viaria provincial.

4ª) Tramitación do Plan Provincial:

Unha vez aprobado inicialmente polo Pleno, o Plan Provincial será sometido a información pública por dez días hábiles mediante anuncio inserido no Boletín Oficial da Provincia. De formularse alegacións, estas serán resoltas polo Pleno. De non formularse alegacións, o Plan considerase definitivamente aprobado.

Unha vez aprobado definitivamente o plan, a Presidencia da Deputación fará pública esta circunstancia mediante anuncio inserido no Boletín Oficial da Provincia, iniciándose o prazo de execución.

As modificacións relativas ás obras municipais que teñan de tramitarse a instancias dos concellos respectivos logo da aprobación definitiva do plan (tales coma modificacións dos orzamentos das obras que afecten exclusivamente ás achegas municipais, cambios na denominación das obras, incorporación e baixa de obras do plan,..), serán autorizadas por acordo da Xunta de Goberno provincial, sempre que non afecten ao orzamento total do plan nin á súa distribución por municipios.

5ª) Execución do Plan Provincial:

A competencia para a execución das obras comprendidas no Plan Provincial, tanto no relativo ás actuacións na rede viaria provincial coma ás obras municipais, corresponderalle á Deputación Provincial mediante a contratación de ditas obras con empresa solvente a través dos procedementos e co réxime establecido para a contratación de obras públicas na vixente lexislación de contratos do sector público.

Non obstante o anterior, os concellos que realicen achegas complementarias por importe igual ou superior ó 100 % do financiamento comprometido pola deputación provincial para execución material das obras (48.000,00 € por termo municipal), poderán solicitar a delegación para a contratación da obra ou obras correspondentes.

En ningún caso poderá acordarse a execución por administración das obras financiadas con cargo o plan provincial

A Deputación Provincial (e no seu caso os concellos) deberán adxudicar as obras antes do 29 de novembro de 2020 e as obras deberán quedar totalmente rematadas antes do 31 de decembro de 2020; non obstante o anterior e sempre que concorra causa xustificativa suficiente, poderá ampliarse o prazo de execución das actuacións incluídas no plan polo tempo indispensable para o seu remate, co límite do día 30 de novembro de 2021.

A contratación das asistencias técnicas que teñan por obxecto a redacción de proxectos e a dirección facultativa e a coordinación de seguridade e saúde nas obras municipais, realizarase pola deputación con cargo o crédito consignado con tal fin nestas bases. Non obstante o anterior, entenderase delegada a competencia para a contratación das ditas asistencias técnicas a favor de aqueles concellos que, en consideración ó investimento municipal comprometido, teñan solicitado a delegación da competencia para a contratación das obras.

Nas obras financiadas con cargo ó plan provincial instalarse, en lugar visible, o pertinente cartel de obra segundo o modelo aprobado por esta deputación, debendo permanecer instalado o dito cartel dende a data da sinatura da acta de comprobación do replanteo ata a data de expiración do prazo de garantía.

6ª) Execución das obras pola deputación

1. A Deputación procederá á contratación das obras da rede viaria provincial (en todo caso) e das obras municipais que non teñan sido obxecto de delegación consonte coa base anterior.

2. Para a contratación das obras municipais pola Deputación, os concellos deberán cumprimentar, antes do 30 de setembro de 2020, os seguintes trámites:

- Remisión á Deputación Provincial do acordo do órgano municipal competente contendo as seguintes determinacións:

a) Aprobación do proxecto técnico de obras

b) Declaración expresa de que a actuación proposta é conforme coa normativa urbanística e a lexislación sectorial de aplicación e dispón das autorizacións sectoriais esixibles. Non obstante, cando a autorización sectorial esixible sexa a da propia Deputación no exercicio das súas competencias en materia de defensa das estradas provinciais, o acordo municipal indicará dito extremo, tramitándose de oficio pola Deputación a correspondente autorización.

c) Posta á disposición da Deputación Provincial dos terreos necesarios para a execución das obras.

d) Compromiso de asumir tódalas indemnizacións que resulten procedentes cando as obras non poidan executarse por falta de disposición dos terreos ou das autorizacións necesarias con dito fin.

e) Declaración expresa de que a actuación non incorre en alteración ou fraccionamento do obxecto do contrato co fin de eludir as normas xerais de contratación.

f) Declaración expresa de que a actuación de que se trata constitúe unha obra completa susceptible de ser entregada ao uso xeral ou ao servizo correspondente ou, no seu caso, que constitúe unha obra susceptible de aproveitamento independente no sentido do uso xeral ou do servizo.

- Remisión da acta de replanteo (planeamento previo) das obras, debidamente asinada polo alcalde e polo redactor do proxecto.

7ª) Execución das obras por delegación

Para a execución das obras municipais por delegación, os concellos deberán remitir á deputación, antes do 30 de setembro de 2020, os documentos relacionados no apartado segundo da base anterior (a excepción da posta a disposición dos terreos a favor da deputación) xunto co proxecto técnico correspondente -os ditos efectos, a solicitude de delegación de competencia para a contratación das obras levará implícita, consonte coa base 5ª, a delegación da competencia para a contratación da redacción do pertinente proxecto técnico e as demais asistencia técnicas complementarias á execución das obras- e o

compromiso de efectuar as achegas precisas para o financiamento da actuación na contía necesaria para completar a achega provincial.

Logo de verificada a corrección e suficiencia da documentación achegada, previo o informe favorable da Oficina provincial de Supervisión de Proxectos e Inspección de Obras e comprometida a achega municipal na porcentaxe esixida ós ditos efectos, concederase por resolución da presidencia a delegación da competencia para a contratación das obras.

A deputación librará o 75% da súa achega á remisión do certificado acreditativo da adxudicación das obras e de formalización do pertinente contrato. O 25% restante librarase coa achega do certificado de finalización das obras xunto coa acta de recepción e a foto do cartel de obra.

8ª) Adquisición dos terreos necesarios para a execución das obras. Expropiación forzosa.

No suposto en que sexa necesaria a expropiación forzosa de bens ou dereitos, o concello comunicarlle esta circunstancia á Deputación, que procederá á dita expropiación, sendo de conta do concello os custes derivados da expropiación. Para estes efectos, os concellos subscribirán un convenio de colaboración coa Deputación Provincial, no que se recollerán as obrigas do concello no procedemento expropiatorio.

9ª) Réxime especial para os concellos en situación de insuficiencia financeira manifesta.

Os concellos que, de conformidade cos criterios que seguidamente se determinan e tras a oportuna xustificación previa da dita circunstancia perante a Intervención Provincial, se atopen nunha situación manifesta de insuficiencia financeira, poderán optar entre adherirse ao réxime xeral contemplado nas bases anteriores ou solicitar da Deputación o ingreso nas arcas municipais en todo o parte do importe da achega provincial ás obras municipais (ata 48.000,00 €) con destino á amortización de operacións de crédito concertadas en exercicios anteriores ou ao financiamento de gasto corrente do concello correspondente á prestación de servizos mínimos obrigatorios, con exclusión dos gastos de retribucións, axudas de custo e asistencias de cargos representativos ou de designación política e dos gastos de servizos que se atopen total ou parcialmente financiados con achegas da Deputación Provincial diferentes ás previstas na presente base. A xustificación da utilización dos fondos percibidos ao abeiro do disposto nesta cláusula, achegarase antes de que remate o día 2 de decembro de 2020

mediante conta xustificativa asinada polo alcalde e o interventor de fondos do concello, con suxeición ao disposto na lexislación vixente en materia de subvencións.

Para os efectos do establecido nesta base, consideraranse incursos en situación de insuficiencia financeira manifesta os concellos que na liquidación do exercicio de 2018 presenten resultado orzamentario negativo e remanente de tesourería negativo.

Así mesmo, os concellos cuxo nivel de endebedamento fose superior ao 110% no ano 2018 poderán dispoñer desta cantidade para pagamento de débeda.

10ª) Réxime especial para a entidade local menor de Berán.

A entidade local menor de Berán, nos mesmos termos fixados nas bases anteriores para os concellos, poderá beneficiarse dunha achega provincial por importe de 24.000,00 € con destino a investimentos en servizos da súa competencia ou, de se-lo caso, á amortización de operacións de crédito concertadas en exercicios anteriores ou ao financiamento de gasto corrente da entidade previa a xustificación de atoparse incurso en situación de insuficiencia financeira manifesta. Da dita cantidade poderá destinarse ata un máximo de 2.000,00 € para a contratación dos servizos complementarios precisos para a execución dos investimentos proxectados.

2º.- Someter a trámite de información pública, mediante anuncio publicado no Boletín Oficial da Provincia de Ourense, as bases inicialmente aprobadas polo prazo de 10 días hábiles, durante os cales as entidades interesadas poderán formular as alegacións ou suxestións que consideren oportunas, que deberán ser resoltas motivadamente no acto de aprobación definitiva.

No caso de non formularse alegacións en prazo, entenderanse automaticamente aprobadas de forma definitiva, procedendo á súa publicación no Boletín Oficial da Provincia.

5º.- MODIFICACIÓN DO CONVENIO DE COOPERACIÓN ENTRE A DPO E OS CONCELLOS DE CENLLE, PUNXÍN E SAN AMARO EN MATERIA DE CONTRATACIÓN DO SERVIZO DE EXPLOTACIÓN E MANTEMENTO E SUBMINISTRACIÓN DE ENERXÍA ELÉCTRICA DO ABASTECIMENTO EN ALTA RAZAMONDE – SAN TROCADO, CONSISTENTE NA DELEGACIÓN NA DPO DO EXERCICIO DAS COMPETENCIAS DE MANTEMENTO CORRECTIVO DA DITA INFRAESTRUTURA.

O Sr. secretario dá conta do contido da proposta.

Non se producen intervencións e co voto favorable do Grupo Popular (5), de Democracia Ourensana (1) e de Ciudadanos-Partido de la Ciudadanía (1) e a abstención do Grupo Socialista (3) e do BNG (1), a comisión ditamina favorablemente a adopción, por parte do Pleno, do seguinte acordo:

1º) Aprobar a modificación do convenio de cooperación entre a Deputación Provincial de Ourense e os concellos de Cenlle, Punxín e San Amaro para contratación do servizo de explotación e mantemento e da subministración de enerxía eléctrica das instalacións de abastecemento en alta Razamonde – SanTrocado , incorporando as seguintes modificacións:

a) Engádesse un novo sub - apartado c) no apartado 1 da cláusula 3 (contido da delegación de competencias) co seguinte texto:

c) O mantemento correctivo das instalacións intermunicipais (tanto de reparación como de substitución) por calquera das fórmulas legalmente posibles (execución por administración, contrato con terceiros ou encomenda á concesionaria provincial – Aquaourense, Sociedade provincial de Augas e Medio ambiente SA). Esta delegación comprende tanto a adopción de acordos en materia de mantemento correctivo como a súa execución. Para as actuacións con importe superior a 20.000 € requirirase o visto e prace dos tres concellos ou a validación pola comisión de seguimento, vixilancia e control do convenio, por acordo adoptado por unanimidade.

b. Elimínase o parágrafo segundo do apartado 2 da cláusula 3.

c. Modifícase a cláusula 4 (réxime económico da delegación) coa nova seguinte redacción do sub - apartado a) do punto 1:

a) Os custes derivados do contrato do servizo de explotación e mantemento da infraestrutura, así como os das actuacións de reparación e/ou substitución, repartiranse entre os concellos conforme ás seguintes porcentaxes:

40% Cenlle

25% Punxín

35% San Amaro

2ª) Trasladar este acordo aos concellos interesados, e ordenar a publicación do texto definitivo do convenio, unha vez aprobado polos concellos, para xeral coñecemento.

6º.- MOCIÓN DO GRUPO PROVINCIAL DE CIUDADANOS PARA UNIÓN POLA DEFENSA DA SUSTENTABILIDADE DO SECTOR AGROGANDEIRO NA COMARCA DA LIMIA.-

D.^a Montserrat Lama Novoa, de Ciudadanos-Partido de la Ciudadanía, dá conta do contido da moción.

D.^a Elvira Lama Fernández, do Grupo Socialista, di que coincide co que se expón na moción, pero hai algún apartado, como o terceiro, que entende que está mal redactado, e entende tamén que o verdadeiro problema que existe actualmente é a xestión de residuos da Comarca da Limia e que debe ser abordado de forma conxunta por todas as administracións.

D. Bernardo Varela López, do BNG, indica que se suma á preocupación que existe pola calidade das augas na Comarca da Limia. Indica que a Unión Europea por agora está dado avisos, pero que en calquera momento vai empezar a dar paus e que aí van vir os auténticos problemas. Indica que existe unha Consellería de Medio Rural e unha Confederación Hidrográfica que deben asumir as súas responsabilidades neste asunto e que hai que buscar un sistema de xestión de residuos e un sistema produtivo e que sexa sostible en toda a comarca e que garanta o futuro en toda a Comarca da Limia.

D.^a Montserrat Lama Novoa, de Ciudadanos-Partido de la Ciudadanía, indica que existe un erro no punto terceiro. Agradécelle a advertencia ao Grupo Socialista e indica que en todo caso a moción está realizada con moita honestidade, sen ningún tipo de tendencia política. Pídelles a todos os grupos que deixen á marxe a súa cor política e que a ver se son capaces de sacar un texto conxunto para un problema tan importante que existe na Comarca da Limia. Indica que xa visitou algunha das depuradoras e das EDARs que existen no termo municipal e que algunhas están en moi mal estado. Por iso a referencia que fai ao Concello de Xinzo de Limia, se ben entende que o fai sen ánimo de culpabilizar ni ao anterior grupo de goberno nin o novo. En todo caso agradece a implicación dos grupos e que espera que no Pleno se poida sacar un texto conxunto.

Non se producen máis intervencións e co voto favorable do Grupo Popular (5), de Democracia Ourensana (1) e de Ciudadanos-Partido de la Ciudadanía (1) e a abstención do Grupo Socialista (3) e do BNG (1), a comisión ditamina favorablemente a adopción, por parte do Pleno, do seguinte acordo:

1º.- Adoptar, todos os partidos políticos que forman parte da Corporación desta Deputación Provincial, un compromiso común –que sexa referendado nunha mesa de firma- en defensa e protección do sector agrogandeiro na procura de solucións en prol dunha comarca sostible coa consecuente mellora das súas augas; en definitiva que permita o cumprimento e adaptación paulatina e progresiva as directivas europeas.

2º.- Instarlles á Consellería de Medio Rural e ao GDR da Limia, para que convoque de xeito inmediato a Mesa da Limia, para a creación dos grupos de traballo, prometidos polo conselleiro, con todos os axentes implicados e afectados:

- Concello de Xinzo de Limia.
- Deputación Provincial de Ourense – INORDE.
- Confederación Hidrográfica Miño-Sil.
- Coren.
- Adegal.
- Asociación de Produtores da Patata.
- Asociación Auga Limpa Xaḷ.
- Consello Regulador da Indicación Xeográfica Protexida Patata de Galicia.

3º.- Esixirlle ao Concello de Xinzo de Limia que asuma as súas responsabilidades polos danos que poidan sufrir no sector produtivo agrogandeiro, polo deficiente estado das infraestruturas (depuradoras) e achegue un informe exhaustivo do estado no que se atopan as devanditas instalacións en toda a comarca.

4º.- Trasladarlle a Coren que adopte medidas de control e seguimento, tanto das instalacións propias como de todas aquelas granxas que os representan na Comarca, para unha mellor xestión dos residuos, para evitar o deterioro das nosas terras e os nosos ríos.

5º.- Así mesmo, instar á Confederación Hidrográfica Miño-Sil, para que, de maneira inmediata, limpen os leitos e as canles para evitar maiores problemas e permita avanzar neste grave problema e adoptar unha solución definitiva.

6º.- Trasladarlle á Consellería de Medio Rural que estude a posibilidade de crear unha liña de axudas específicas para promover infraestruturas máis modernas e respectuosas co medio ambiente e que permitan adaptar a maquinaria existente.

7º.- Trasladarlle ao Ministerio de Agricultura, Pesca e Alimentación – Ministerio para a Transición Ecolóxica, que estude a posibilidade de asinar un convenio coas diferentes administracións e institucións para a creación dunha gran planta de almacenamento e transformación de xurros.

7º.- MOCIÓN DE URXENCIA.- Non se presentan.

8º.- ROGOS E PREGUNTAS.- Non se formulan.

E, ás 18.50 horas, dáse por finalizada a reunión, redactándose a presente acta que se asinará electronicamente. Dou fe.